



Broj:02.8-3537/24

Datum: 15.11.2024. godine

Na osnovu člana 32. i člana 107. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, 43/10), člana 39. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“ broj: 77/06), tačke VI. Plana zaštite i spašavanja ljudi i materijalnih dobara od prirodnih i drugih nesreća u JU Psihijatrijska bolnica Kantona Sarajevo i člana 36. Statuta JU Psihijatrijska bolnica Kantona Sarajevo, direktorica JU Psihijatrijska bolnica Kantona Sarajevo, dana 15.11.2024. godine, donosi

O D L U K U

o osnivanju Štaba civilne zaštite u JU Psihijatrijska bolnica Kantona Sarajevo

Član 1.

Za rukovođenje akcijama zaštite i spašavanja u objektima i poslovnim prostorima koji pripadaju JU Psihijatrijska bolnica Kantona Sarajevo (u daljem tekstu: Bolnica) te na području na kojem JU Psihijatrijska bolnica Kantona Sarajevo vrši svoju redovnu djelatnost osniva se Štab civilne zaštite JU Psihijatrijska bolnica Kantona Sarajevo (u nastavku Štab) kao operativno-stručni organ.

Član 2.

Operativnu funkciju u zaštiti i spašavanju, Štab ostvaruje u situaciji kada zaprijeti neposredna opasnost od nastanka prirodne ili druge nesreće koja može ugroziti život i zdravlje zaposlenika i materijalna dobra Bolnice, odnosno u situaciji kada nastane ta nesreća. U ovim slučajevima, Štab operativnu funkciju ostvaruje putem rukovođenja akcijama zaštite i spašavanja dok te situacije postoje i dok se ne otklone sve posljedice nastale djelovanjem prirodne ili druge nesreće.



Član 3.

U rukovođenju akcijama zaštite i spašavanja Štab vrši slijedeće poslove:

1. odlučuje o upotrebi snaga i sredstava civilne zaštite na zaštiti i spašavanju ugroženih i stradalih ljudi i materijalnih dobara i te snage raspoređuju ona područja koja su ugrožena,
2. naređuje provođenje odgovarajućih mjera zaštite i spašavanja i određuje snage i sredstva koje će provoditi te mjere,
3. usmjerava, koordinira i rukovodi akcijama zaštite i spašavanja svih učesnika angažiranih na zaštiti i spašavanju,
4. rješava sva pitanja koja se u toku provođenja aktivnosti na zaštiti i spašavanju pojave u vezi sa angažiranjem snaga i sredstava civilne zaštite i provođenja mjera zaštite i spašavanja i samozaštite radnika i osoblja zatečenog na ugroženom području.

Član 4.

U ostvarivanju poslova iz svoje nadležnosti Štab ima dvije osnovne funkcije, i to:

1. provođenje vlastitih priprema za uspješno vršenje operativne funkcije iz svoje nadležnosti (opremanje, pripreme, obuke i osposobljavanje),
2. rukovođenje akcijama zaštite i spašavanja (operativna funkcija).

Štab u ostvarivanju svojih nadležnosti utvrđenih Zakonom i ovom Odlukom, donosi naredbe, odluke i zaključke.

Član 5.

Štab predstavlja kolegijalni organ koji se sastoji od pet članova, i to: komandanta, načelnika i članova Štaba.

Član 6.

Komandant Štaba po funkciji je Direktor Bolnice. Načelnik Štaba po funkciji je rukovodilac Službe unutrašnje zaštite. Članovi Štaba po funkcijama su: glavna medicinska sestra/tehničar Bolnice, koordinator sektora medicinskih poslova i koordinator sektora nemedicinskih poslova.



Član 7.

Aktiviranje štaba, vrši direktor Bolnice ili drugi organ koji je određen općima aktom Bolnice. Ako je prirodna ili druga nesreća ugrozila dio ili cijelo područje općine, u tom slučaju, štab CZ Bolnice, pored rukovođenja akcijama zaštite i spašavanja u Bolnici, dužan je postupiti i po naredbama štaba CZ koji rukovodi akcijama zaštite i spašavanja na ugroženom području općine.

U uslovima kada prirodna i druga nesreća zaprijeti ili nastane iznenada, a komandant Štaba nije u mogućnosti izvršavati svoje dužnosti, načelnik Štaba ovlašten je da u ime komandanta preduzima sve potrebne mjere značajne za zaštitu i spašavanje, dok komandant ne počne vršiti svoju funkciju.

O preduzetim mjerama i postupcima iz stava 1. ovog člana načelnik Štaba je dužan obavijestiti komandanta Štaba, odmah, kada komandant počne vršiti svoju funkciju.

Svaki radnik Bolnice je dužan i obavezan da se odazove na poziv (pismeni ili usmeni) bilo kojeg člana Štaba civilne zaštite, odnosno da se odmah javi neposrednom rukovodiocu po saznanju o nastanku ili proglašenju vanredne situacije, ili proglašenju stanja prirodne nesreće. Nepostupanje po ovoj Odluci i neodazivanje na pozive članova Štaba civilne zaštite, kao i odbijanje izvršenja naređenja povlači sankcije u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća i drugim općim aktima Bolnice.

Član 8.

U cilju osposobljavanja Štaba civilne zaštite, za njegovo efikasno vršenje operativne funkcije putem rukovođenja akcijama zaštite i spašavanja, Bolnica je dužna planirati i provoditi obuku i osposobljavanje Štaba. Obuka i osposobljavanje štaba CZ odnosi se na sva pitanja koja se opštim aktom pravnog lica stave u nadležnost tog štaba. Planiranje, organiziranje i provođenje obuke i osposobljavanja štaba CZ vrši načelnik štaba, članovi štaba i Služba pravno-kadrovskih poslova u saradnji sa Službom civilne zaštite općine Centar Sarajevo.



Član 9.

Štab civilne zaštite se oprema odgovarajućom opremom i materijalno-tehničkim sredstvima koja su neophodna za ličnu zaštitu članova Štaba i za izvršavanje zadataka iz njegove nadležnosti, a kako je utvrđeno u Planu zaštite i spašavanja ljudi i materijalnih dobara od prirodnih i drugih nesreća. Sredstva za finansiranje Štaba civilne zaštite osiguravaju se iz budžeta JU Psihijatrijska bolnica Kantona Sarajevo.

Član 10.

Stručnu, administrativno-tehničku podršku Štabu osigurava Načelnik Štaba i prava no-kadrovska služba Bolnice, kao i druge službe Bolnice, svako iz svoje nadležnosti.

Član 11.

Štab donosi Pravilnik o nadležnostima, sastavu i načinu rada i funkcioniranju Štaba civilne zaštite JU „Psihijatrijska bolnica Kantona Sarajevo“.


Član 12.

Ova Odluka stupa na snagu danom donošenja i objaviće se na oglasnoj tabli, internet i web stranici Bolnice.

Pripremila: Izeta Avdić

D I R E K T O R I C A

Rukovodilac pravno-kadrovske službe



Dostaviti:

- Uprava,
- Rukovodiocima svih odjela;
- Web,
- a/a.